

«УДМУРТ ШАЕР»

Выжы ке юн, писпу йён

Ольга ЗОРИНА

**Йёскалык библиоте-
каысь «Удмурт шаер»
клуб Анатолий Мат-
веев пумиськон
ортчытйз.**

Анатолий Ермилович - «Выжы ке юн, писпу но йён» но «Дорога к счастью: сказание о роде Матвея сына Ивана» документально-художественной книгаослэн авторзы, тодосчи, кивалтон ёзьёсын ужась. Вордйськемын Алнаш ёросын 1934-тй арын.

Улоназ тужгес бадзьым дангьяськонэз - выжыез. Матвей выжыослэн куат поколенизы сярысь маде Анатолий Ермилович аслаз книгаосаз. Солэн песятаез Алексей Матвеевич 20-тй аръёсы бырйылэмын СССР-ысь ВЦИК-е но РСФСР-ысь ЦИК-е. Семьязы али но утисько «Бьдэс Союзысь старостаен» Михаил Калининэн туспуктэмъёс. Нош атаез Ермил Алексеевич ужамын милиам газетамы но - 1940-тй арын со партиен ыстэмын вал «Удмурт коммуна» газетэ редакторлы воштйсе, огдыре кивалтйз «Молот» журналэн но.

Нялтас вераса, Ермил Алексеевичлэн но солэн кузпалызлэн Екатерина Семёновналэн яратонзы пырыз Филипп Кедровлэн «Катя» повестяз но. Бёрысь та повесть «Наталь» нырысетй удмурт опера гожтйз Г. Корепанов.

Синмаськымон семьяез аслаз но Анатолий Ермило-



unadlib.ru

вичлэн. Римма кузпалэныз соос ог-огзэс 8-тй классысен яратйзы. Со дырысен ялан чощ, али но ог-огмес туж гажаськом, шуэ. Нош пушгетъёсы - пиналтёсы-внукъёсы - азинто жеч выжызэс, соос пёлын вань кивалтйсьёс, ужбергатйсьёс, тодосчиос, профессоръёс.

Таچه удмурт семьяос сярысь тросгес гожъяны-вераны кулэ, шуизы ваньмыз сямен вераськисьёс.

- Адымилэн улонэз трослы потэ выжы бордысь - кыгче кидысэз (генъёсыз), сыгче ик емьшез, - шуиз тодосчи Альберт Разин. - Но со борды адымилы аслыз тыршоно на. Берло аръёсэ мон ялан чакласько, малы тодмо-дано, гажано адымиосмылэн нылпиоссы анай-атайзы дорозь уг сузтьйсько. Туала вакытэ соос уг но ёрмо, дышетскыны но луонлыкъёсы тросгес. Нош азинлыксы

**А. Матвеев Йёскалык библиоте-
текаын.**

уг шодйськы. Та ласянь Матвеев выжы висъяське - котькуд выль поколенизы яркытгес но яркытгес луэ. Озыен, соос валало выжызы азын кыл кутонэз - ответственно-стез, сое дунъяны но данъяны тыршо, золгес ужало.

Авторлэн литература ласянь быгатонлыкъёсызлы жеч дунгет сётйз профессор Анна Зуева.

- Паймоно кадь, чиновникын ужом адыми сыгче яркыт, чылкыт кылын гожъяськыны быгатэ, - шуиз со. - Книгаез лыдзыны кутскиськод но дугдыны уг луы ни, ялан маке вылез, тунсыкоез шеде.

Анатолий Ермиловичез книгаосыз потэмен озы ик туж шуныт жечкылазы культура но туризмъя министр Владимир Соловьёв, азьвыл министр Анетта Сидорова, алнаш бёляктьёсыз. ***

Удмуртиез дорзэ сямен яратйз

Любовь ТИХОНОВА

**Йёскалык библиоте-
каысь «Удмурт шаер»
клубын куноын вал
Удмуртиысь дано
журналист, писатель
Нина Ермолаева.**

- Нина Георгиевналэн, Иваново улосысь Шуя городын вордскем нылкышнолэн, улон но творчествен вырон сюресэз узыр, - жытэз кутскиз библиотекарь Татьяна Николаева. - МГУ-ын дышетскыкуз, вуоно критикен Алексей Ермолаевен семья кылдытйз. Дышетсконзэс йылпумъя-

са, егитъёс улыны Иже интыяськызы.

Егит дыргяз Нина Георгиевна журналистика удысын тыршиз, шаерысьтым пёртэм удысьёсысь азьветлысьёс сярысь статьяоссэ но очеркъёссэ газет бамъёсын печатлалыз. Собрере соосты нимаз книгаен поттйз. Отйз пероез эшшо но вольытгес луиз - удмурт произведениосты жуч кылэ берыкъяны кутскиз, очеркъёс, мемуаръёс но нылпиослы веросъёс гожъяны одъяз. Удмуртиез дорзэ сямен ик

юн яратйз. Алексей Афанасьевич улонысь кошкем бере солэсь ужъёсэ калыке вёлмытон борды жабыржабыр басгтьськиз. Н. Ермолаева дасяз но поттйз «Удмурт литератураысь дас дано ним», «Удмурт литература но сое кылдытйсьёс», «Кузубай Герд. Помертнана маска» книгаос. Та пумиськон Алексей Афанасьевичез буре ваён жытлы пёрмиз.

Жытэз тунсыко, Нина Ермолаевалэсь творчествозэ дунъяса но данъяса, нуиз профессор Анна Измайлова-Зуева. ***

«КЫЛУМЫСЬ»

Тёллы нялтас

Ольга ВАХИТОВА

**Мон уг валаськы
Д. Шостаковичлэсь
крезьгурзэ. Отысь
куараослэн ог-огзэс
согыны турттэмзы
пушкам кышкан вор-
дэ. Малы Д. Шоста-
кович лулэз чабьясь
крезьгур кылдыгъям,
шодыны юрттйз Джу-
лиан Барнслэн «Шум
времени» романэз. 16+**

Д. Барнс - Англиысь туала писатель. Озы ке но со туж умой тодэ СССР вакытысь улонэз, сямтёсты, адымиосты - асьме вёзын лапак улэмын кожалод. Нырысь учкыса, книгаын ёвёл кадь огъя сюжетэз, учыртьёс жук кадь сурасько, соос полэстйсько творчество но власть сярысь малпангёсын.

Романлэн нырысетй люкетэз «Тубат дорын» нимаське. Сталин сьёсыськон вакытэ Д. Шостакович уйлы быдэ лифт дорын сылэ - вите, ку сое допросэ нуозы. Сталин-а, Жданов-а «Леди Макбет Мценского уезда» операзэ «какофония», «сумбур вместо музыки» шуиллям но, векчи кивалтйсьёс соку ик валаллям: Шостаковичлэсь валантэм крезьгурзэ калыклэсь ватано, асэ пролетариат понна крезьгурас кароно. Но ГУЛАГ-лэн кёаз шедёнлэсь со кызы ке утиське. Озы ке но чапак тубат вылын ортчытэм уйёс солэн скюлмаз кышкан улэзыто - та дырысен Д. Шостакович советской властез «яратыны» кутске, кинэ косо, соосты курла собраниосын, калыклы валамон крезьгур кылдыгъя. Таچه кылзйськись луэмез понна сое быдэс делегациен чощ ысто Америкае.

Произведенилэн кыкетй люкетаз - «Самолётын» нимаське - мадемын тодмо советской композиторлэн Д. Шостаковичлэн США-ысь калыкен пумиськылэмгёсысь сярысь. Со вера гожтыса дасям текстъёсты, Америкае пегъем И. Стравинский крезьгурчиоз курла, ачиз сое вань сюлмыныз гажа ке но. Пышкылысь юангёсыныз сое пöse вуттэ озы ик Америкае көчем кылбурчи В. Набоков. Малпангёсме, гажано адымиосме вузае сярысь табере быдэс дунне тодйз, куректэ крезьгурчи. Зэм ик-а Шостакович пумиськылыз Набоковен, зэм-а Набоков ЦРУ-лэн адымиоз вал? Көняз та произведениын малпамын авторен, нош кыгче учыртьёс Д. Шостаковичлэн улоназ зэмзэ но вал?

Романлэн «Машинаын» люкетаз асьмеос адзйськом пурьыстам, пересъемем, но чылкыт тусо воргоронэз. Чебер «иномаркаен» со ширтэ Москва кузя кыгче ке собрание, бордаз - личной шофёр. Табере Д. Шостакович - коммунист, со трос гожъяське «Правдае» (зэмзэ вераса, гожтыське кинэн ке дасям текст улэ), егитъёслы валэктэ, кыгче луыны кулэ советской музыка, мукет крезьгурчиослэн тузй машинаоссылы вожъяське... Улэп кылемед, калык радъя улэмед, произведениостэ радиоысь кылэмед потэ ке, системалы нялтас луытэк ёвёл... ***



«ВУОНО НОМЕРЫН»

Грак ёросысь Вужгуртысь В. Черемных, 3 оже пырыськыса, улэп кылиз. «За отвагу» медален пусъёмын.

Удмурт дунне № 12 (25529) 2017-тй ар 21-тй тулыспал (февраль) 1915-тй арысен 1917-тй арысен 1918-тй арысен 1918-тй арысен 1930-тй арысен 1943-тй арысен 1992-тй арысен

Учредители: Государственный Совет Удмуртской Республики Правительство Удмуртской Республики Главный редактор З. К. Рябинина	Адрес редакции-издателя: 426008, г. Ижевск, ул. К. Маркса, 274 www.udmdunne.ru e-mail: udmdunne@yandex.ru Газета отпечатана в ООО «Феникс» 610000, г. Киров, ул. Мостовая, 32/17	Телефоны: 73-33-44 - гл. редактор 73-33-42, 89511953765 - приёмная, реклама, зам. гл. редактора 73-33-46 - отв. секретарь 73-33-43, 89511953766 - корреспонденция 73-33-41 - бухгалтерия	Индекс: 11597, 54400 Тираж номера 1300 Заказ № 176 Объём 2 п. л. Цена свободная Подписано к печати - 18.00 По графику - 18.00	Мнение авторов не всегда совпадает с мнением редакции. Использование материалов допускается только с разрешения редакции. Материалы, публикуемые с пометкой «Д» и «Реклама», печатаются на договорной основе.	Газета зарегистрирована Управлением Федеральной службы по надзору в сфере связи, информационных технологий и массовых коммуникаций по Удмуртской Республике. Регистрационный номер ПИ №ТУ18-00646. Рекомендовано для чтения с 12 лет
---	--	--	---	---	--